

Headlines

1. केंद्री मंत्री अश्विनी वैशणव होरें भारत दी चिप डिजाइन क्रांति च शामिल आई.आई.टी जम्मू दे विद्यार्थियों दी सराहना कीती ते आखेआ जे एस.सी.एल मोहाली अभियान गी मुकदा रूप दित्ता जा'रदा ऐ।
2. मुखमंत्री उमर अब्दुल्ला होरें अज्जै थमां शुरू होई दी जीएसटी काउंसल दी 56मीं बैठक च हिस्सा लेया।
3. मुखमंत्री उमर अब्दुल्ला होरें अज्ज इक्क उच्ची सतह दी बैठक लाइयै जम्मू-कश्मीर च भारी बरखें करी पैदा हालात दी समीक्षा कीती, मंत्रियों उ'नेंगी ताजा स्थिति बारै जानकारी दित्ती।
4. राजौरी जिले च भारी बरखा दे चलदे इक्क मकान ढेई जाने कारण द'ऊं जनें दी मौत।
5. उत्तर रेलवे नै बत्ता फसे दे यात्रिएं दी सुविधा लेई जम्मू ते कटड़ा बश्कार महत्वपूर्ण रेल सेवाएं गी बहाल कीता।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

IIT-Jammu-Vaishnav

नवीनता दे खेत्तर च बड़ी उपलब्धि हासल करदे होई I.I.T Jammu दे छात्र भारत दी सेमीकंडक्टर क्रांति च सब्बनें शा अगगे ना। राश्ट्रव्यापी मुहिम दे तैहत जम्मू दे दात्र गुजरात, मेघालय ते तमिलनाडू दे छात्रें कन्नै रलिए सुलता कन्नै सेमीकंडक्टर चिप तैयार करा करदे न जिनेंगी सेमीकंडक्टर प्रयोगशाला, मोहली च मुकदा रूप दित्ता जा करदा ऐ। केंद्री मंत्री अश्विनी वैशणव होरें एहू जानकारी सांझा करदे होई अद्भुत प्रतिभा दा प्रदर्शन ते बेहतरीन कम्म करने आस्तै पूरे भारत दे छात्रें दी सराहना कीती। एहू जम्मू दे नौजवानें लेई बड़ी महत्वपूर्ण उपलब्धि ऐ जेदे कन्नै उनेंगी चिप डिजाइनिंग ते इलेक्ट्रानिक्स दे खेत्तर दे नमें मौके उपलब्धि होडन ते भारत दे बददे टेक इको सिस्टम च खेत्तर दी थाहर मजबूत होग।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

## CM-GST Meeting

मुख्यमंत्री उमर अब्दुल्ला होर नमी दिल्ली च जीएसटी परिषद दी 56मीं बैठक च शामिल होआ'रदे न जेडी अज्ज केंद्री खजाना मंत्री निर्मला सीतारमण हुंदी अध्यक्षता च शुरू होई। 2 ध्याडे दी इस बैठक च जीएसटी च नमें सुधारें पर चर्चा कीती जाग जिंदे च बक्ख-बक्ख चीजें ते सेवाएं पर लागू जीएसटी दरें गी असान ते संतुलित बनाना शामिल ऐ। जम्मू-कश्मीर दी शमूलियत एहू पक्का करदी ऐ जे क्षेत्र दे आर्थिक हितें गी राश्ट्री नीति निर्माण च प्रतिनिधित्व थहोआ ऐ। इस बैठक च केंद्री खजाना राज्यमंत्री पंकज चौधरी, दिल्ली, गोवा, हरियाणा ते दुए राज्यें दे मुख्यमंत्रिणं उप-मुख्यमंत्रिणं शिरकत कीती।

<><><><><><>

## CM-Situation

मुख्यमंत्री उमर अब्दुल्ला होरें जम्मू-कश्मीर च लगातार होआ'रदी बरखा कारण पैदा होए दे हालातें दा जायजा लैने आस्तै अज्ज इक उच्च स्तरीय बैठक लाई। उनें अधिकारिणं गी जमीनी सतर पर कार्रवाई तेज करने, भरोचे दे पानी गी तौले कडुने, जरूरी चीजें दी संभाल ते प्रभावित थाहरें थमां लोकं गी समेंसिर बाहर कडुने बारै निद्रेश दित्ते। मंत्री जावेद राणा ते सतीश शर्मा होरें मुख्यमंत्री होरें'गी जम्मू दे हालात बारै अगवत कराया। तोआई, सकीना इत्तू ते सलाहकार नासिर असलम वानी होरें कश्मीर दे हालात दस्से। मुख्यमंत्री होरें लोकें गी आधिकारिक सलाह दी पालमा करने, क्षतिग्रस्त इलाकें च नेईर जाने ते सुरक्षित रौहने दी अपील कीती ऐ। प्रशासन खरी-मती बरखा दे असर गी घट्टू करने दी कोश्टें च लगगे दा ऐ।

<><><><><><>

## Itoo-Floods

सेहत ते शिक्षा मंत्री सकीना इत्तू होरें मुख्यमंत्री हुंदे सलाहकार नासिर असलम वाणी ते उन्दे कन्नै रामबाग च सिंचाई ते हाड नियंत्रण कक्ष दा दौरा लाया ते हाड जनेय हालातें दा जायजा लैता। उनें जरूरत पौने पर प्रतिक्रिया सरबंधी तैयारिणं दा जायजा लैता ते अधिकारिणं गी निर्देश दित्ते जे समेंसिर चेतावनी जारी करन ते खतरे आहले इलाकें थमां तौले गै लोकें गी बाहर कडुन। मंत्री होरें दरेयाणं कंडे 24 घंटे रजन रखने पर जोर पाया। अधिकारिणं गी नेडमें तालमेल कन्नै कम्म करने आस्तै आखेआ गोआ। मंत्री होरें लोकें दी सुरक्षा आस्तै पूरी रसकारी मदाद दा

भरोसा दोआया ते लोकें गी अपील कीती जे ओहू शांत रौहन ते आधिकारिक सलाह पर गौन करन।

<><><><><><>

### Reasi-Official

रियासी जिले च जारी राहत कम्में गी ध्यानै च रखदे होई जिला विकास कमिशनर निधि मलिक 13 कर्मचारिएं गी बिजन मंजूरी दे ड्यूटी परा गैर हाजर रौहने पर उन्दे कोला जोआब मंगी भेजेआ ऐ। आकाशवाणी दे जिला संवाददाता दविंद्र ठाकुर नै जानकारी दित्ती ऐ जे मलाजमें दियां छुट्टियां रद्द करने दे जारी हुक्म दे बावजूद गैर हाजर पाए गेदे इनें 8 अधिकारिएं च 8 बी.डी.ओ, मुख्ख ते जिला कृषि अधिकारी, इक मेडिकल अफसर, इक ए.डबल.ई ते इक सीनिरय असिस्टेंट शामिल न जेडे विजन इजाजत दे अपने स्टेशन पर मजूद नेही हे। प्रशासन नै उंदी इस हरकत गी बड़ी मती गैर जिम्मेदाराना ते लापरवाही करार दिंदे होई उंदी एक्सप्लेनेशन कड़ी ऐ।

<><><><><><>

### Rains-Havoc

समूलचे जम्मू प्रांतै च भारी बरखें कारण आम जन-जीवन बुरी चाल्ली प्रभावित होए दा ऐ। बक्ख-बक्ख जिलें च जानमाल दा खतरा पैदा होई चुके दा ऐ, अजेंकि प्रशासन आसेआ लोकें दी सुरक्षा गितै लोडचदियां एहतियाती गैई पुट्टियां जा करदियां न। राजौरी जिले दे सुंदरबनी च इक घरै दी दोआर ढोई जाने कारण इक महिला ते ओह्दी कुडत्री दी मौत होई गई ऐ। उपमुख्यमंत्री सुरिंद्र चौधरी होरें इस घटना पर दुख प्रगट करदे होई सोहगी परिवार कन्नै हमदर्दी प्रगट कीती ऐ। तोआई, जम्मू शैहरा दे पक्का गंडा इलाके दे काली जन्नी महल्ले च इक पुराना मकान ढोई जाने दे बाद 3 जनें गी सुरक्षित बचाई लैता गेआ। रियासी जिले च भारी बरखा ते ल्हास-पस्सिएं दे चलदे संचार सेवा ते शिडक राबते बी प्रभावित होए न। जिसलै जे श्री माता वैशणो देवी जी दी जात्तरा अज्ज उप्परोतली 9में रोज बी बंद ऐ। पिछले 2 दिनें थमां लग्गी दी झड़ी दे चलदे जिले च भीमगढ किले दे आले-दोआले पस्सियां पौने दे बाद प्रशासन नै उत्थे सैलानिएं दे औने-जाने पर पाबंदी लाई दित्ती ऐ। लोकें दी सुरक्षा गी ध्यानै च रखदे होई लैता गेदा एहू फैसला अगले हुक्मै तोड़ी लागू रौहग।

<><><><><><>

## Northern-Railways

उत्तरी रेलवे नै खराब मौसम कारण बत्तै फंसे दे यात्रिणं दी सुविधा लेई जम्मू ते श्री माता वैशणो देवी कटड़ा बश्कार कई रेल सेवां बहाल करी दित्ती दियां न। दऊं रेल गड्डियां जम्मू ते कटड़ा बश्कार पैहले गै विशेष फेरे ला करदियां न जिसलै जे 13152 जम्मू कोलकाता ते 12446 कटड़ा नमीं दिल्ली रेल गड्डिणं दे अलावा 6 सितंबर थमां स्वराज समूह रेल गड्डियां 12472, 12474, 12476 ते 12478 दी सेवा बी बहाल करी दित्ती जाग। जम्मू थमां अजमेर जाने आहली 12414 ते कटड़ा थमां दिल्ली जाने आहली 22478 रेल गड्डी दी सेवा 7 सितंबर थमां बहाल होई जाग जिसलै जे 8 सितंबर गी 16032, 16318 ते 16788 रेल गड्डिणं दी सेवा बी बहाल करी दित्ती जाह्ग। यात्री ताजा जानकारी NTES ऐप पर जां 139 नंबर पर फोन करियै हासिल करी सकदे न।



## Weather

पिछले त्र'ऊं दिनें थमां जारी भारी बरखें करी जित्थे पूरे जम्मू च आम जनजीवन बुरी चाल्ली प्रभावित होए दा ऐ उत्थे गै अज्ज संझा मगरा बरखा रूकने कारण दना राहत दी मेद जगी ऐ। एहतियात दे तौर पर सब्बे तालीमी इदारे अज्ज बी बंद रक्खे गे ते म्तेयान अगड़े पाए गे न। जिस्सलै जे जम्मू-श्रीनगर राश्ट्रीय जरनैली शिड़का पर गड्डियें दी आओजाई अजें बी बंद ऐ।



## Traffic-Rumour

जम्मू च गड्डिणं दी आओजाई गी लेइयै चला'रदिणं अफवाई ते लोकें च पैदा चिंता ते यक्कोतक्की आहली स्थिति पर ते कन्नै पूरे-पराते हालात पर नेइमी तक्क रक्खी जा करदी ऐ। सोशल मीडिया पर फैली दिणं अफवाई ते तवी बिक्रम चौक जीवन आहला पुल बंद करी दित्ता गोआ ऐ, एहदे पर उनें आखेआ जे ऐसा कोई फैसला नेई लैता गेदा ऐ। अजें जानकारी दित्ती जे निक्की तवी आहली बक्खी दा औने आह्लिणं गड्डिणं गी भगवती नगर पुल दे बजाय दुए रस्तेयां लंघाया जा करदा ऐ। उनें लोकें अग्गे अपील कीती ऐ जे ओहू अफवाई पर ध्यान नेही देन ते आधिकारिक जानकारी पर गै भरोसा करन।

## Manwa-SAGY

भद्रवाह दे डोडा जिले दी मानवता पंचैत दी पहली महिला सरपंच, शगुफता बानो होरें खालू ग्रांऽ दा बेमिसाल विकास कराया ऐ। संसद आदर्श ग्राम योजना हेठ, उनें खालू ग्रांऽ गी क्षेत्र दे इक विकसित पहाड़ी ग्रांऽ दे तौर पर पंछान दोआई ऐ। उंदी दूरदर्शिता, बेहतर नेतृत्व ते ग्राएं दी तरक्की आस्तै बचनबद्धता नै उनेंगी जम्मू-कश्मीर दी महिलाएं आस्तै आदर्श बनाई दित्ता ऐ। डॉ. जितेंद्र सिंह होरें उंदी कोशिशें दी प्रशंसा कीती जिंदा ध्यान महिला प्रधान गतिविधिएं गी जमीनी स्तर पर मजबूत करना हा।

